



ХАСБАНК ХК-ИЙН ХУВЬЦАА ЭЗЭМШИГЧДИЙН ЭЭЛЖИТ БУС ХУРЛЫН МАТЕРИАЛ



АГУУЛГА

Хувьцаа эзэмшигчдийн ээлжит бус хурлын зар	03
Хувьцаа эзэмшигчдийн ээлжит бус хурлыг эчнээ санал хураалтын хэлбэрээр, цахимаар зохион байгуулах тухай Төлөөлөн удирдах зөвлөл (“ТУЗ”)-ийн тогтоол	04
Хувьцаа эзэмшигчдийн ээлжит бус хурлаар шийдвэрлэх асуудал:	07
1. ХасБанкны 2024 оны эхний хагас жилийн цэвэр ашгаас ногдол ашиг зарлан хуваарилах тухай.	
Хувьцаа эзэмшигчдийн хурлын тогтоолын төсөл	12
Тооллогын комиссын бүрэлдэхүүн	14
Саналын хуудасны загвар	15

ХАСБАНК ХК-ИЙН ХУВЬЦАА ЭЗЭМШИГЧДИЙН ЭЭЛЖИТ БУС ХУРЛЫН ЗАРЛАЛ

Компанийн тухай хуулийн 73 дугаар зүйлийн 73.1 дэх хэсгийг үндэслэн ХасБанк ХК-ийн Төлөөлөн удирдах зөвлөлийн 2024 оны 7 дугаар сарын 16-ны өдрийн R-2024-34 дүгээр тогтоолын дагуу хувьцаа эзэмшигчдийн ээлжит бус хурлыг эчнээ санал хураалтын хэлбэрээр, цахимаар зохион байгуулж буйг үүгээр зарлаж байна.

Компанийн нэр, байршил: ХасБанк ХК, Улаанбаатар хот, Сүхбаатар дүүрэг, Ерөнхий Сайд Амарын гудамж, ХасБанкны Төв Байр, ШХ 20А, 72.

Хувьцаа эзэмшигчдэд саналын хуудас хүргүүлэх өдөр: 2024 оны 7 дугаар сарын 24-ний өдөр Брокер, дилерийн компаниудад хүргүүлж, ХасБанкны вебсайт, ХасМийтинг (ХасMeeting) аппликейшнд байрлуулах замаар.

Эчнээ санал цахимаар хүлээн авах хугацаа: 2024 оны 7 дугаар сарын 25-ны өдрийн 9:00 цагаас эхлэн 2024 оны 9 дүгээр сарын 04-ний өдрийн 16:00 цаг хүртэл.

Бүртгэлийн өдөр: Хувьцаа эзэмшигчдийн хуралд оролцох эрхтэй хувьцаа эзэмшигчдийн нэрсийн жагсаалт гаргах бүртгэлийн өдөр нь 2024 оны 8 дугаар сарын 08-ны өдөр байна.

Хувьцаа эзэмшигчдийн ээлжит бус хурлаар шийдвэрлэх асуудал:

- ХасБанкны 2024 оны эхний хагас жилийн цэвэр ашгаас ногдол ашиг зарлан хуваарилах тухай.

Хувьцаа эзэмшигч та хурлын материалтай танилцах бол 2024 оны 7 дугаар сарын 24-ний өдрөөс эхлэн банкны цахим хуудсанд (www.xacbank.mn) эсвэл хувьцаа эзэмшигчдийн хуралд зориулагдсан ХасМийтинг аппликейшн-д хандах боломжтой. Та эчнээ саналаа заасан хугацаанд ХасМийтинг аппликейшээр дамжуулан цахим хэлбэрээр өгнө үү.

Холбоо барих:

Утас: +(976)-8508-1888

Цахим шуудангийн хаяг: investor-relations@xacbank.mn

Ажиллах цагийн хуваарь: ажлын өдрүүдэд 10:00-17:00 цагийн хооронд.

2024 оны 7 дугаар сарын 19-ний өдөр
ЗОХИОН БАЙГУУЛАХ КОМИСС



**Хувьцаа эзэмшигчдийн ээлжит
бус хурлыг эчнээ санал хураалтын
хэлбэрээр, цахимаар зохион байгуулах
тухай ТУЗ-ийн тогтоол**

ТӨЛӨӨЛӨН УДИРДАХ ЗӨВЛӨЛИЙН ТОГТООЛ



20 24 оны 07 сарын 16 өдөр

№ R-2024-34

Улаанбаатар хот

Хувьцаа эзэмшигчдийн ээлжит бус хурлыг
эчнээ санал хураалтын хэлбэрээр, цахимаар зохион байгуулах тухай

Компанийн тухай хуулийн 73 дугаар зүйлийн 73.1 дэх хэсэг, Санхүүгийн Зохицуулах Хороо ("СЗХ")-ны 2018 оны 12 дугаар сарын 14-ний өдрийн 377 дугаар тогтоолоор батлагдсан Хувьцаат компанийн хувьцаа эзэмшигчдийн хурлын зар хүргэх журмын 2.2 дахь хэсэг, ХасБанк ХК ("Банк")-ийн Төлөөлөн Удирдах Зөвлөл ("ТУЗ")-ийн 2024 оны 7 дугаар сарын 08-16-ны өдрийн хооронд хийсэн цахим санал хураалтын үр дүнд дараах шийдвэрийг гаргав:

ТЭМДЭГЛЭХ нь:

1. ТУЗ нь 2024 оны 7 дугаар сарын 16-ны өдрийн R-2024-33 дугаар тогтоолоор хагас жилийн ногдол ашиг зарлан хуваарилахыг хувьцаа эзэмшигчдэд зөвлөмж болгосныг;
2. Банкны Дүрмийн 8.6 (ii)-д зааснаар ногдол ашиг хуваарилах шийдвэр нь стратегийн асуудал тул хувьцаа эзэмшигчдийн хурлаар эцэслэн шийдвэрлэхийг; мөн
3. Хагас жилийн ногдол ашиг зарлан хуваарилах асуудлыг эцэслэн батлах болон холбогдох бусад шийдвэрийг гаргуулах зорилгоор Банкны хувьцаа эзэмшигчдийн ээлжит бус хурлыг эчнээ санал хураалт хэлбэрээр, цахимаар зохион байгуулах нь зүйтэй гэж Банкны ТУЗ үзсэн болохыг тус тус тэмдэглэв.

ТОГТООХ нь:

1. Банкны Хувьцаа эзэмшигчдийн ээлжит бус хурал ("ХЭЭБХ")-ыг эчнээ санал хураалтын хэлбэрээр, цахимаар зохион байгуулсугай.
2. ХЭЭБХ Зохион байгуулах комиссын даргаар Банкны Ерөнхий аудитор Э.Ундармааг томилсугай. Тус комиссын гишүүдийг холбогдох дотоод журмын дагуу томилохыг Гүйцэтгэх захирал Г.Цэвэгжавд үүрэг болгосугай.
3. ХЭЭБХ-ын мэдэгдлийг 2024 оны 7 дугаар сарын 19-ний өдрийн дотор СЗХ болон Монголын Хөрөнгийн Бирж ("МХБ")-д хүргүүлэхийг ТУЗ-ийн Ажлын албанд даалгасугай.
4. ХЭЭБХ зохион байгуулах тухай зар мэдээг МХБ-ийн цахим хуудас, өдөр тутмын сонин, Банкны албан ёсны веб сайт (www.xacbank.mn), сошиал орчин дахь албан ёсны хаягаар болон бусад хэвлэл мэдээллийн хэрэгслээр дамжуулан 2024 оны 7 дугаар сарын 19-ний өдрийн дотор нийтэд мэдээлж, зарын давталтыг тийнхүү нийтэд мэдээлсэн өдрөөс хойш 15 хоногийн дараа анх зарласан хэлбэрээр дахин нэг удаа нийтэд мэдээлэхийг Зохион байгуулах комисст үүрэг болгосугай.

**Хувьцаа эзэмшигчдийн ээлжит бус хурлыг эчнээ санал хураалтын хэлбэрээр,
цахимаар зохион байгуулах тухай ТУЗ-ийн тогтоол**

5. Эчнээ санал хураалтын хэлбэрээр, цахимаар зохион байгуулж буй ХЭЭБХ-д оролцох эрхтэй хувьцаа эзэмшигчдийн нэрсийн жагсаалтыг гаргах бүртгэлийн өдрийг 2024 оны 8 дугаар сарын 08-ны өдөр байхаар тогтоосугай.
6. ХЭЭБХ-аар шийдвэрлэх асуудлын жагсаалт, гаргах шийдвэрийн төсөл, саналын хуудас зэрэг бусад холбоотой баримт бичгийг 2024 оны 7 дугаар сарын 24-ний өдөрт багтаан үнэт цаасны брокер, дилерийн компаниудад хүргүүлэхийг Зохион байгуулах комисст үүрэг болгосугай.
7. ХЭЭБХ-аар шийдвэрлэх асуудлыг 1 дүгээр хавсралтаар, ХЭЭБХ-аар шийдвэрлэх асуудалтай холбоотой баримт бичгийн жагсаалтыг 2 дугаар хавсралтаар, Тооллогын комиссын бүрэлдэхүүнийг 3 дугаар хавсралтаар, саналын хуудсыг 4 дүгээр хавсралтаар тус тус баталсугай.
8. Хувьцаа эзэмшигчид шийдвэрлэх асуудалтай холбоотой баримт бичигтэй ХасБанкны хувьцаа эзэмшигчдийн хуралд зориулагдсан ХасМийтинг аппликейшнээр дамжуулан танилцах боломжийг хангаж ажиллахыг Зохион байгуулах комисст даалгасугай.
9. Хувьцаа эзэмшигчдэд саналыг 2024 оны 7 дугаар сарын 25-ны өдрийн 9:00 цагаас эхлэн 2024 оны 9 дүгээр сарын 04-ний өдрийн 16:00 цаг хүртэлх хугацаанд ХасМийтинг аппликейшнээр дамжуулан цахим хэлбэрээр авах боломжийг бүрдүүлэн ажиллахыг Зохион байгуулах комисст даалгасугай.
10. Эчнээ санал хураалтын хэлбэрээр, цахимаар зохион байгуулж буй ХЭЭБХ-аас гарсан шийдвэр, бусад холбогдох баримт бичгүүдийг Компанийн тухай хууль болон Үнэт цаасны зах зээлийн тухай хууль, холбогдох хууль тогтоомжид заасан хугацаанд МХБ, СЗХ-д хүргүүлэхийг ТУЗ-ийн Ажлын албанд даалгасугай.

ТӨЛӨӨЛӨН УДИРДАХ
ЗӨВЛӨЛИЙН ДАРГА

ХУУЛЬ ХАРИУЦСАН ЗАХИРАЛ БӨГӨӨД
ТУЗ-ИЙН НАРИЙН БИЧГИЙН ДАРГА



САНЖАЙ ГҮПТА

Н.МӨНХЦЭЛМЭГ



Хурлаар шийдвэрлэх асуудал:

ХасБанкны 2024 оны эхний хагас жилийн цэвэр ашгаас ногдол ашиг хуваарилах тухай

Хураангуй

2024 оны эхний хагас жилийн цэвэр ашгаас ногдол ашиг хуваарилах тухай танилцуулга



Компанийн тухай хуулийн 46 дугаар зүйлийн 46.1 дэх хэсэг болон ХасБанк ХК-ийн дүрмийн 8.6 (ii) заалт, мөн 2024 оны 07 дугаар сарын 16-ны өдрийн Төлөөлөн удирдах зөвлөлийн хурлын шийдвэрт үндэслэн ХасБанк ХК-ийн 2024 оны эхний хагас жилийн цэвэр ашгаас дараах байдлаар ногдол ашиг тараахыг санал болгож байна.

Нэгж хувьцаанд ногдох ногдол ашиг:	18.00 төгрөг
Ногдол ашгийн нийт дүн:	18,948,600,000.00 төгрөг
Ногдол ашиг тараах огноо:	Холбогдох зөвшөөрөл гарснаар (дараагийн хуудсыг үзнэ үү)
Ногдол ашиг тараах хэлбэр:	ҮЦТХТөвөөр дамжуулан, дансаар
Хувьцаа эзэмшигчдийн бүртгэлийн өдөр:	2024 оны 8 дугаар сарын 8-ны өдөр

Өмнөх ногдол ашгийн мэдээлэл

2024 оны эхний хагас жилийн цэвэр ашгаас ногдол ашиг хуваарилах тухай танилцуулга

- ХасБанк ХК 2024 оны эхний хагас жилийн цэвэр ашгаас нэгж хувьцаанд 18.00 төгрөгийн ногдол ашиг тараахаар санал болгож байна;
- Харин 2024 оны жилийн эцсийн цэвэр ашгаас ногдол ашиг тараах асуудлыг 2024 оны санхүүгийн жил дуусгавар болж, санхүүгийн тайланд хөндлөнгийн аудит хийгдэж баталгаажуулсны дараа буюу 2025 оны 1 дүгээр улиралд багтаан ТУЗ-р хэлэлцүүлэхээр төлөвлөж байна.



* ХасЛизинг ХХК нь ХасБанк ХХК-д 2021 онд нэгдсэн бөгөөд ХасБанкны санхүүгийн тайланг бэлтгэхдээ ХасЛизинг ХХК-ийн санхүүгийн үзүүлэлтийг 2020 оноос эхлэн нэгтгэн, толилуулсан болно

Ногдол ашиг тараасны дараах өөрийн хөрөнгийн хүрэлцээ үзүүлэлт

2024 оны эхний хагас жилийн цэвэр ашгаас ногдол ашиг хуваарилах тухай танилцуулга

Санал болгож буй ногдол ашиг тарааснаар 1-р зэрэглэлийн өөрийн хөрөнгийн хүрэлцээний үзүүлэлтэд 0.60 нэгж хувийн нөлөө үзүүлнэ. Гэсэн хэдий ч, ХасБанкны 1-р зэрэглэлийн өөрийн хөрөнгийн хүрэлцээний үзүүлэлт байвал зохих хэмжээ болох 12.5%-иас өндөр байхаар байна.

Тэрбум төгрөгөөр	2023 оны 1-р хагас	2023 оны 2-р хагас	2024 оны 1-р хагас
Татварын дараах цэвэр ашиг	61.7	80.4	85.3
Ногдол ашиг (Тэрбум төгрөгөөр)	15.5	26.6	18.9
Нэгж хувьцаанд ногдох ногдол ашиг	14.75	25.25	18.00
1-р зэрэглэлийн өөрийн хөрөнгийн хүрэлцээний үзүүлэлт (санал болгож буй ногдол ашиг тараахаас өмнөх байдлаар)			18.6%*
1-р зэрэглэлийн өөрийн хөрөнгийн хүрэлцээний үзүүлэлт (санал болгож буй ногдол ашиг тараасны дараах байдлаар)			18.0%

* Тооцооллын зорилгоор 2024 оны 6 дугаар сарын 30-ны байдлаарх 1-р зэрэглэлийн өөрийн хөрөнгийн хүрэлцээний үзүүлэлтийг ашигласан.

Ногдол ашиг тараах хугацаа

2024 оны эхний хагас жилийн цэвэр ашгаас ногдол ашиг хуваарилах тухай танилцуулга

Монголбанкны зөвшөөрлийг хүлээн авсан өдөр эсхүл ногдол ашиг хуваарилах шийдвэр батлагдсан өдрийн аль сүүлийн өдрөөс хойш 7 хоногоос хэтрүүлэлгүйгээр Банкны ногдол ашгийг мөнгөн хэлбэрээр тараана.

ТӨЛӨӨЛӨН УДИРДАХ ЗӨВЛӨЛИЙН ТОГТООЛ



20 24 оны 07 сарын 16 өдөр

№ R-2024-33

Улаанбаатар хот

Ногдол ашиг хуваарилах тухай

Компанийн тухай хуулийн 46 дугаар зүйлийн 46.1 дэх хэсэг, ХасБанк ХК ("Банк")-ийн Дүрмийн 8.6 (ii) дахь заалт болон Банкны Төлөөлөн удирдах зөвлөл ("ТУЗ")-ийн 2024 оны 07 дугаар сарын 08-16-ны өдрийн хооронд зохион байгуулсан цахим санал хураалтын үр дүнд дараах шийдвэрийг гаргав:

ТЭМДЭГЛЭХ нь:

1. Банк нь 2024 оны эхний хагас жилийн байдлаар 85.3 тэрбум төгрөгийн цэвэр ашигтай, нэгдүгээр зэрэглэлийн өөрийн хөрөнгийг 18.6%-д хүргэж ажилласан болохыг;
2. Банкны Дүрэмд зааснаар ногдол ашиг хуваарилах асуудал нь стратегийн асуудал болохыг;
3. Банкны гүйцэтгэх удирдлага нь Банкны 2024 оны эхний хагас жилийн ашгаас Банкны хувьцаа эзэмшигчдэд ногдол ашиг мөнгөн хэлбэрээр хуваарилах ("Хагас жилийн ногдол ашиг")-ыг ТУЗ-д санал болгосныг; мөн
4. ТУЗ нь Банкны Дүрмийн 8.6 (ii) дахь заалтын дагуу дор дурдсан дүнгээр Хагас жилийн ногдол ашгийг зарлан хуваарилах шийдвэр гаргуулахаар хувьцаа эзэмшигчдэд санал болгож буйг тус тэмдэглэв.

ТОГТООХ нь:

1. Монголбанкнаас зөвшөөрч, хувьцаа эзэмшигчдийн хурлаар эцэслэн баталсан тохиолдолд, Хагас жилийн ногдол ашигт нийт 18,948,600,000.00 (арван найман тэрбум есөн зуун дөчин найман сая зургаан зуун мянга) төгрөг буюу нэгж хувьцаанд 18.00 (арван найм) төгрөг зарлан хуваарилахыг дэмжсүгэй.
2. Хувьцаа эзэмшигчид ногдол ашиг зарлан хуваарилахаар шийдвэрлэсэн тохиолдолд, хагас жилийн ногдол ашиг хуваарилах асуудлыг шийдвэрлэх Хувьцаа эзэмшигчдийн ээлжит бус хурал ("ХЭЭБХ")-д оролцох эрхтэй хувьцаа эзэмшигчдийн нэрсийн жагсаалтыг гаргах бүртгэлийн өдөр болох 2024 оны 8 дугаар сарын 08-ны өдрийг тухайн хурал зохион байгуулагдах хэлбэрээс үл хамааран, Хагас жилийн ногдол ашиг авах эрхтэй хувьцаа эзэмшигчдийн нэрсийн жагсаалт гаргах бүртгэлийн өдөр байхаар тогтоосугай.
3. Хувьцаа эзэмшигчид баталсан тохиолдолд, Монголбанкны зөвшөөрлийг хүлээн авсан өдөр эсхүл хувьцаа эзэмшигчдийн хурлаар баталсан өдрийн аль сүүлийн өдрөөс хойших 7 хоногоос хэтрүүлэлгүйгээр ногдол ашгийг мөнгөн хэлбэрээр төлсүгэй. Хувьцаа эзэмшигч нь холбогдох хууль тогтоомжийн дагуу банкны тодорхой дансаар

дамжуулан ногдол ашгаа авахаар бичгээр хүсэлт гаргаснаас бусад тохиолдолд Үнэт цаасны төвлөрсөн хадгаламжийн төвөөр дамжуулан ногдол ашгийг тараасугай.

ТӨЛӨӨЛӨН УДИРДАХ
ЗӨВЛӨЛИЙН ДАРГА



САНЖАЙ ГҮПТА

ХУУЛЬ ХАРИУЦСАН ЗАХИРАЛ БӨГӨӨД
ТУЗ-ИЙН НАРИЙН БИЧГИЙН ДАРГА

A handwritten signature in black ink, likely belonging to N. Mönkhcölmeг.

Н.МӨНХЦЭЛМЭГ



Хувьцаа эзэмшигчдийн хурлын тогтоолын төсөл

ХУВЬЦАА ЭЗЭМШИГЧДИЙН ХУРЛЫН ТОГТООЛ

[төсөл]

Банкны 2024 оны эхний хагас жилийн цэвэр ашгаас
ногдол ашиг хуваарилах тухай

Компанийн тухай хуулийн 46 дугаар зүйлийн 46.1 дэх хэсэг, ХасБанк ХК ("Банк")-ийн Дүрмийн 8.6.(ii) дахь заалтыг тус тус үндэслэн, Банкны Хувьцаа эзэмшигчдийн хурал 2024 оны 7 дугаар сарын 25-ны өдрөөс 2024 оны 9 дүгээр сарын 04-ний өдрийн хооронд зохион байгуулсан цахим эчнээ санал хураалтын үр дүнд дараах шийдвэрийг гаргав:

ТЭМДЭГЛЭХ нь:

1. Ногдол ашиг хуваарилах эсэх нь Банкны Дүрэмд заасан стратегийн асуудал тул Банкны хувьцаа эзэмшигчдийн хурал эцэслэн батлах шаардлагатай болохыг;
2. Банкны Төлөөлөн удирдах зөвлөл ("ТУЗ") нь Банкны 2024 оны эхний хагас жилийн цэвэр ашгаас Банкны хувьцаа эзэмшигчдэд ногдол ашиг мөнгөн хэлбэрээр хуваарилах ("**Хагас жилийн ногдол ашиг**")-ыг 2024 оны 7 дугаар сарын 16-ны өдрийн R-2024-33 тоот тогтоолоороо хувьцаа эзэмшигчдэд санал болгосныг;
3. Хувьцаа эзэмшигчид нь ТУЗ-өөс зөвлөмж болгосны дагуу Монголбанк зөвшөөрөл олгосон тохиолдолд, Банкны Дүрмийн 8.6.(ii) дахь заалтыг үндэслэн дор дурдсан дүнгээр Ногдол ашгийг зарлан хуваарилахыг дэмжсэн болохыг тус тус тэмдэглэв.

ТОГТООХ нь:

1. Хагас жилийн ногдол ашигт нийт 18,948,600,000.00 (арван найман тэрбум есөн зуун дөчин найман сая зургаан зуун мянга) төгрөг буюу нэгж хувьцаанд 18.00 (арван найм) төгрөг зарлан хуваарилсугай.
2. Цахим эчнээ санал хураалтын хэлбэрээр зохион байгуулж буй тус Хувьцаа эзэмшигчдийн ээлжит хуралд оролцох эрхтэй хувьцаа эзэмшигчдийн нэрсийн жагсаалтыг гаргах бүртгэлийн өдөр болох 2024 оны 8 дугаар сарын 8-ны өдрийг Хагас жилийн ногдол ашиг авах эрхтэй хувьцаа эзэмшигчдийн нэрсийн жагсаалт гаргах бүртгэлийн өдөр байхаар тогтоосугай.
3. Монголбанкны зөвшөөрлийг хүлээн авсан өдөр эсхүл энэхүү шийдвэр батлагдсан өдрийн аль сүүлийн өдрөөс хойш 7 хоногоос хэтрүүлэлгүйгээр Банкны ногдол ашгийг мөнгөн хэлбэрээр төлсүгэй. Үнэт Цаасны Төвлөрсөн Хадгаламжийн Төвөөр дамжуулан ногдол ашгийг тараасугай.

ХУВЬЦАА ЭЗЭМШИГЧДИЙН
ХУРЛЫН ДАРГА

САНЖАЙ ГҮПТА

ТООЛЛОГЫН КОМИССЫН БҮРЭЛДЭХҮҮН

ХасБанкны Төлөөлөн удирдах зөвлөлийн 2024 оны
7 сарын 16-ны өдрийн R-2024-34 дүгээр тогтоолын 3 дугаар хавсралт

Комиссын дарга: Б.Ананд, гүйцэтгэх захирал, Кэй И Партнерс ХХН

Комиссын гишүүд: Т.Отгон, туслах хуульч, Кэй И Партнерс ХХН

Б.Соёлзул, туслах хуульч, Кэй И Партнерс ХХН

ХЭЭБХ-ыг эчнээ санал хураалтын хэлбэрээр явуулах
тухай тогтоолын 4 дүгээр хавсралт

САНАЛЫН ХУУДАСНЫ ЗАГВАР

Компанийн нэр: ХасБанк ХК

Хувьцаа эзэмшигчийн овог, нэр: _____

Хувьцаа эзэмшигчийн регистрийн дугаар: _____

Эзэмшиж буй хувьцааны төрөл: _____

Эзэмшиж буй хувьцааны тоо: _____

2024 оны 7 дугаар сарын 25-ны өдрийн 9:00 цагаас эхлэн 2024 оны 9 дүгээр сарын 04-ний өдрийн 16:00 цаг хүртэл ХасMeeting аппликейшнээр дамжуулан эчнээ санал хураалтын хэлбэрээр, цахимаар саналаа өгнө.

Д/д	Шийдвэрлэх асуудал	Зөвшөөрсөн	Татгалзсан	Түдгэлзсэн
1.	ХасБанкны 2024 оны эхний хагас жилийн цэвэр ашгаас ногдол ашиг зарлан хуваарилах тухай	☐	☐	☐

Тайлбар/Санамж:

- Та эчнээ саналаа заасан хугацаанд ХасMeeting аппликейшнээр дамжуулан цахим хэлбэрээр өгөх боломжтой.
- Хэрэв өөр хүнээр төлөөлүүлэн саналаа өгөх бол төлөөлөх хүн Монгол Улсын хууль тогтоомжид нийцсэн итгэмжлэлийг ирүүлэн саналаа өгсөн тохиолдолд таны санал хүчинтэйд тооцогдоно.

Энэ хэсгийг ХЭЭБХ-ын тооллогын комисс бөглөнө.

Саналын хуудсыг хүчинтэйд тооцон тоолсон эсэх (доогуур зурах): Тийм / Үгүй

Тооллогын комиссын даргын гарын үсэг, тайлал: _____ / _____

Саналын хуудсыг хүчингүйд тооцсон үндэслэл: _____

